

Öise Lade 3-2016, p. 62

## In salid *rumantsch*

Uss èsi prest puspè Pasca ed ils uffants pon ir a la tschertga da la lieur e da las tschigulattas ch'ella ha zuppà. Las decoraziuns da Pasca, las lieurs da tschigulatta ed ils gnies da stromma regordan al temp che jau era ancina pitschna e gieva mezza a la tschertga. Da mattettas gievan mia sora ed jau la sonda sontga gia tut agitadas a durmir. Nus savevan numnadain tge che spetgava nus l'autra damaun. La dumengia da Pasca, cura che nus pudevan or da letg e giun stiva chattavan nus il bler in plan rudlà en ed embelli cun in bel bindel. La lieur – u plitost sia buna gidantra – aveva zuppà dapertut en chasa pitschens gnies e malegià in plan per che nus possian ans metter a la tschertga dad els. Sut pigna, en furnel, en truclets, dapertut eran zuppads dus, trais ovs u ina lieuretta da tschigulatta. Jau na sai betg da tge che nus avevan dapli plaschair, da las tschigulattas chattadas u da l'aventura da leger il plan e studegiar, nua ch'il stgazi pudess esser zuppà. Donn che mes dun da leger chartas e da s'orientar è ì a perder cun ils onns.

A la tschertga  
da la lieur



Restadas èn dentant las quidas da tschigulatta e d'ovs da zutger ed il plaschair da seser ensemen cun la famiglia e giudair in pèr bels dis da festa cun bunas tratgas.

Jau As giavisch ina bella Pasca e buna fortuna da tschertgar da la lieur.

Marina Wyss

Marina Wyss